

A tgi sai jeu s'adressar?

Referat da Hermann Schlapp el ravugl dalla Associazion per ina Baselgia verdeivla

■ El ravugl d'ina reuniun bein frequentada dall'Associazion grischuna per ina Baselgia verdeivla ha Hermann Schlapp avertiu da resignar ed anzi fatg curascha per realisar refuormas. Ella sala dalla pleiv dalla baselgia dalla s. Crusch, fullanada entochen sil davos plaz, ha la presidenta dalla Associazion da Grischunas e Grischuns per ina Baselgia verdeivla Christine Bucher beneventau dacuort il referent Hermann Schlapp, in observatur attent e profund enconuschider dalla situaziun ecclesiastica actuala.

Hermann Schlapp ha passentau ses onns d'affonza silla Cuort episcopala a Cuera, sco quei ch'ins sa leger en siu cudisch intitulaus «Ums Himmels Willen» ch'ei cumpariu dacuort. Igl autur descriva a moda fetg divertenta, denton era a moda critica e differenziada da sia afonza ella vischinonza digl uestg e sia suita.

Bunas reminiscenzas d'uestg Christianus Caminada

«Viver silla Cuort ed ella vischinonza digl anteriur uestg Christianus Caminada, uestg da Cuera denter 1941 e 1962, ei stau negin stress, mobein in deletg», ha il referent puntuau. El ha skizzau l'atmosfera emperneivla e cordiala da quei temps nua che «in uestg respectau ed apprezzau ton dil pievel sco dil clerus residiaiva ella sedia episcopala e nua ch'ei deva la dumengia ella catedrala 'strusch in plaz liber'. Ei seigi bein pusseivel che sias regurdientschas seigien cingidas cun in smiul nostalgia, ei eri denton in ver deletg da s'entupar cuagl uestg. Quei seigi aunc oz il cass a S. Gagl ni a Mustér, denton buca pli a Cuera.



Il publicist Hermann Schlapp referescha avon ina sala dalla pleiv dalla s. Crusch a Cuera ch'era fullanada davart la situaziun dalla Baselgia catolica.

FOTO R. CANAL

Igl ei vegniu freid silla Cuort

Igl uestg vivi «lunsch naven da siu pievel». «El ei s'isolaus en sia residenza e l'atmosfera ei daventada freida, fetg freida silla Cuort», ei il facit da Hermann Schlapp. Il foss denter ina «hierarchia inaccessibla» ed ils cartents daventi adina pli gronds. Quella distanza semuossi ton el fatg che differentas pleivs giavischan buca ch'igl uestg spendi la creisma sco ella resignaziun dils collaboraturus enteifer la Baselgia. Persunas cumpententas – sco Andreas Rellstab, Albert Gasser ed Ernst Fuchs – hagen buca giu pli l'energia e la forza da cooperar: «Sche tontas bunas personalitads van sa quei buc esser mo lur cuolpa.»

«Abus d'uffeci e censura»

Las acziuns singularas da Huonder hagen provocau critica en l'entira Svizra. Huonder regi la diocesa cun imaginaziuns radicalas e scamonds. Aschia pretendi el che persunas spartidas che maridien puspei vegnien exclaussas dils sacraments ni sco novissim exempel la critica digl uestg enviars ils fepls parochials. A l'occaziun dil 70avel anniversari d'uestg Vitus Huonder eran apparentamein cumpari en quels artechels critics. Sinquei ha igl uestgii declarau che quei seigi buca giavischau, ils fepls parochials hagen da dar vinavon la posiziun digl uestg e dalla Baselgia ufficala. Per Schlapp munta quei «arroganza e censu-

ra». Ils fepls parochials seigien la finala buca «fepls episcopals» e dueigien perquei dar triev allas differentas tendenzas ecclesiasticas en ina pleiv. Denton silla Cuort episcopala a Cuera dettien oz ils dogmatichers che hagen pintga relaziun cun la pratica e culla veta da mintgadi dils cartents en il tun.

Refuormas da sutensi

«Nus duvrein buc ina nova reformaziun, mobein ina renovaziun da tgau e membra», aschia Schlapp. Refuormas seigien mai vegnidas iniziadas dalla hierarchia, mobein da sutensi. A tgi s'adressar? Refugi detti ei tiels «biars buns spirituals» che stettien pli damaneivel dil pievel da

Diu che dalla Baselgia ufficala. Cun critica stoppien ins saver ir entuorn, ella seigi buc expressiu da destrucziun, anzi vegli render attents a svilups falli, ha Schlapp citau igl avat Christian dalla claustra dad Engelberg. Il grond applaus e las reacziuns ord il publicum han documentau che il referent ha plidau a biars ord il cor.

Claudio Willi/mc

«Per ina Baselgia verdeivla»

L'Uniun dallas Grischunas e dils Grischuns per ina Baselgia verdeivla s'engascha per la renovaziun dalla Baselgia el spért dil Secund Concil Vatican e dalla Sinoda 72 sco era pils dretgs dils laics en la Baselgia. Ella sustegn era tenor sias finamiras las stentas dall'ecumena e la formaziun religiosa da laics tier cristians maiorens. Il moviment ei naschius avon 20 onns en connex cullas dispetas virulentas da quei temps cuagl uestg da lu Wolfgang Haas ed el exista aunc oz. Silsuenter eis ei reussiu agl uestg Amédée Grab da menar duront 9 onns igl uestgii tras aua pli calmas per silsuenter puspei turnar anavos sillas enconuscentas polarisaziuns e posiziuns cementadas. Actualmeindumbra l'uniun rodund 300 commembas e commembers.

Tenor il dretg canonic vertent vegn uestg Vitus Huonder ad inoltrar en tschun onns sia demissiuon a Ruma.

Colloqui romontsch all'Universitad da Turitg

Leontina Lergier-Caviezol ha prelegiu ord siu cudisch «Nus duas»

■ Al colloqui romontsch da mardis, ils 24 d'avrel ha la docenta Mevina Puorger saviu beneventar ina pulita raspada alla prelecziun da Leontina Lergier-Caviezol. L'autura da «Nus duas» vegni or dalla «Val dalla Glisch», ha Mevina detg. Ils biars han cuninagada saviu che la Lumnezia seigi manegjada. La scribenta da Vrin ha denton fatg in pèr carrauns pil mund entuorn. Da leu sur Sedrun, en la Bassa e Punttraschigna, sur New York e Paris. Perquei san ins sminar ch'ella vesa bia da quei che cuora e passa, che curreva e passava, cun ina certa distanza. Ch'ella vesa tgei forzas che regian e sgarran e sbattan ina vid in encunter l'autra. Tgi che ha il da dir e tgi che ha il da far. Tgi che sa e tgi che sto.

Per dir ei gia ordavon: La historia dallas «duas» illustrescha ni fa present in bionton da quei che ils vegls denter nus han sentiu a vegnend da gliez temps. Sperau ni temiu. Che quels amiez che han pitu tras ed en quels onns. Ni era gudiu. E la generaziun giuvna che sa pauc da quella genesa meinsvart dolorusa sa forsa emprender da capir da quei che va ad ella vess da capir en la tenuta e moda da dir e da far dalla generaziun da quels che ston adina puspei dir: jeu ditgel, jeu fetschel ei mo per tiu bien. Detg pli sempel: Mintgina e mintgin sa s'entupar tscheu e leu en quella historia cun sesez.

Sche jeu mon ad ina prelecziun haiel jeu il pli savens aunc buca legiu l'ovra dall'autura ni digl autur. Jeu laschel semplamein ir quei che jeu audel tras miu tgau, forsa era tras il cor. E lu sedattan da tuttas cumbinaziuns. Quei che jeu audel secavistrescha en quei che seregegla ord mia memoria. Ord mia historia. Ils ac-

cents che sedattan ordlunder ein tuttaviva buc objectivs. E fan in patg cun igl udiu. Gia all'entschatta intervegnan auditturas ed auditturs dallas scalgias dad ina profunda amicezia denter duas dunnas. Ellas s'entaupan suenter biars onns. L'ina vul saver da nuot pli. L'autra para da giugar la nunpertuccada. Quella cuorta exposiziun sveglia las marveglias sin la historia che «Nus duas» han giu ina cun l'autra. Ei sto esser stau in'amicezia existenziala. Che ella sa far aschi mal en siu naufragi. Secund disposiziun psicologica spetga la lectura, il lectur, forsa che tut mondi ora en bein. Che l'amicezia prenda in nova entschatta.

Ellas creschan si sco vischinas ed ein

da pign ensi inseparablas. Partan tut. Las duas amitgas emprendan viceversa ils differents munds en lur famiglias. Quei che ina ha buc ha l'autra. Cu igl amitg banduna ina dad ellas tut surura, datti in scarp en lur relaziun. Ei igl amitg propi la cuolpa ni balluccavan ils fundaments da lur amicezia gia dagitg? Leontina Lergier-Caviezol fui en quei roman buca da realitad e dolur, ei vegn mess il det en la plaga. Aschia ha la protagonista buca mo da confruntar sia megliera amitga, mobein era dad aver ils agens truchets.

Madirar ad ina persuna carschida, quei ha da far cun sedeliberar dad autoritads da tuttas sorts. Quei che la Baselgia vul ei ina tala. Quella che sto ir a messa

renviescha quei sin la via alla identitad. Quella che sto buc fa ei per demonstrar libertad persunala. Era il success dall'amitga ha duas varts: «Jeu sun loscha da mia amitga. Ed in stel scuidusa.» Ils sissontogists, representai el bab ed els patrurs, raquantan adina puspei dallas medemas demos per midar il mund. La protagonista sa quei gleiti ordado e sedamonda co quei duessi ver midau enza tgei. Auter ch'ils cavels liungs restai ad in ni l'auter. Ussa grischs. – L'amicezia dallas «duas» fa liungas turas. Carrauns. Tumplentgas. Tier giuven e vegl. Tras gl'entir cudisch. Perquei eis el era da leger da giuven e vegl.

Ciril Berther, Oetwil sper la Limmat



Mevina Puorger, docenta e menadra dils colloquis e l'autura da «Nus duas», Leontina Lergier-Caviezol (da sen.).

FOTO C. BERTHER

LA QUOTIDIANA

Editura: Südostschweiz Presse und Print AG
 Editeur: Hanspeter Lebrument
 CEO: Andrea Masüger

Schefredactor: Martin Cabalzar

Redacziun

Agentura da Novitads Rumantscha (ANR):
 Flurin Andry (fa), Gieri Antoni Caviezol (gac),
 Claudia Cadruvi (vi), Martina Fontana (mfo), Hans
 Huonder (hh), Susi Rothmund (sr), Gion Nutegn
 Stgier (gns), Giuseppe Venzin (gv).

Collavoratur redacziunals:

Andreas Cadonau (ac), Giuseppe Capaul (gc),
 Lucas Deplazes (ld).

Adressas redacziunals:

La Quotidiana, Via comerciala 22, 7007 Cuira,
 tel. 081 920 07 10, fax 081 920 07 15,
 mail: redaktion-lq@suedostschweiz.ch

Agentura da Novitads Rumantscha (ANR)

Via da Masans 2, 7000 Cuera,
 tel. 081 250 48 00, fax 081 250 48 03,
 mail: anr@spin.ch
 Surselva: tel. 081 936 47 00, fax 081 936 47 01,
 mail: surselva@anr.ch
 Engiadina: tel. 079 218 27 60, fax 081 856 11 59,
 mail: engiadina@anr.ch
 Surmeir: tel. 081 258 32 68, fax 081 684 32 82,
 mail: surmeir@anr.ch
 Sutselva: tel. 081 258 32 68,
 mail: sutselva@bluewin.ch
 Tgols postal, 7432 Zirán

Editura Südostschweiz Presse und Print AG,

Via da la caserna 1, 7007 Cuira,
 tel. 081 255 50 50, fax 081 255 51 10
 mail: mholdener@suedostschweiz.ch

Servetsch d'abunents e da distribuziun:
 tel. 0844 226 226, mail: abo@suedostschweiz.ch

Inserats

Südostschweiz Publicitas AG,

Via S. Clau Sura 11, 7130 Gllion
 tel. 081 920 07 17, fax 081 920 07 18,
 mail: ilan@so-publicitas.ch

La Quotidiana cumpara tschintg giadas ad emna
 Ediziuon: «Die Südostschweiz»: 122 723 exemplars.
 Dumber da lecturs: 237 000

Communicaziun da participaziuns considerablas
 sin fundament da art. 322 CP:
 Südostschweiz Radio AG, Südostschweiz TV AG,
 Südostschweiz Emotion AG, Südostschweiz
 Pressevertrieb AG, Südostschweiz Partner AG,
 ergo use swiss ag.

Dretgs d'editeur

Igl è scumandà a terzas persunas betg
 autorisadas da reutilisar en ina moda u maniera ils in-
 serats stampads en quest titel u parts da quels, surtut cun
 endatar els en in servetsch d'online. Mintga cuntraven-
 ziuon vegn persecutada giudizialmain da la societad da
 propaganda, suenter avair consultà la editura.

Südostschweiz Presse und Print AG